



## CENTRALE BANK VAN ARUBA

### **Aviso relaciona cu ponemento di e cinco florin nobo rondo den circulacion y revocacion y cambio di e cinco florin cuadra cu fecha di emision 1995-1999**

- I. Circulacion di e cinco florin nobo rondo y revocacion di e cinco florin cuadra**  
Banco Central di Aruba pa medio di e aviso aki kier a informa e publico cu entrante 1 di September 2005 e lo pone un cinco florin nobo rondo den circulacion, cual lo remplasa e cinco florin cuadra cu fecha di emision 1995-1999. Entrante 1 di September 2005, e banconan comercial no ta permiti pa distribui e cinco florin caudra mas, solamente e cinco florin nobo rondo.

Durante e periodo di 1 September te cu 30 September 2005 e publico ainda por paga y ricibi pago cu e cinco florin caudra. Entrante 1 di Oktober 2005, esaki lo no ta permiti mas, pasobra conforme articulo 1 di e “Decreto Nacional di revocacion y cambio di e 5 florin cuadra”, e monedanan di cinco florin lo ta for di circulacion.

Banco Central di Aruba, pa e motibo aki, ta hasi un yamada na tur persona cu tin 5 florin cuadra pa cambia nan pa otro medio di pago legal, incluyendo e monedanan di cinco florin nobo rondo, y pa tene cuenta cu e periodo y lugarnan di cambio manera menciona aki bou.

- II. Periodo di cambio**  
Conforme articulo 2 di e Decreto Nacional ariba menciona, e periodo di cambio di e monedanan di 5 florin cuadra cu fecha di emision 1995-1999 ta stipula pa un anja cuminsando entrante 1 September 2005 te cu 31 di Augustus 2006.
- III. Unda por cambia e monedanan?**  
E monedanan di 5 florin cuadra cu fecha di emision 1995-1999 por wordo cambia na tur banconan comercial local te cu 31 di Januari 2006. Desde 1 di Februari 2006 por cambia e monedanan aki solamente na oficina di Banco Central di Aruba na J.E. Irausquin Boulevard 8, Oranjestad te cu 31 di Augustus 2006.
- IV. Mester di algun informacion adicional?**  
En caso cu mester informacion adicional, por favor contact e Departamento di Kas y Kluis na Banco Central di Aruba na number di telefoon 52-52-137.

30 Augustus 2005

Banco Central di Aruba  
Drs. R. Henriquez  
President